

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



ACTA DA MESA DE CONTRATACIÓN DO 14 DE MARZO DE 2019

Na Sala de reunións do Servizo de Contratación da Casa do Concello de Vigo, ás 11:05 horas do día 14 de marzo de 2019, reúnese a Mesa de Contratación do Concello de Vigo convocada polo presidente o 12 de marzo, para tratar os asuntos da orde do día que figuran na convocatoria.

Asisten á reunión da Mesa de Contratación:

- Presidenta:** D^a. María Jesús Lago Rey
- Vocais:** D^a. María Isabel Fernández Gabriel
D^a. Olga Gómez Corbal
D. José Riesgo Boluda
D. Gilberto Moldes Crespo (asiste ao punto 1)
D^a. María José Loureiro Bada (asiste ao punto 13)
- Secretaria:** D^a. Ángela Fernández López

Aberta a sesión pola Sra. presidenta procédese a tratar os puntos incluídos na orde do día:

1.- Incidencias

a) Procedemento aberto mixto para a contratación de obra e subministro de ampliación do parque infantil de Bouzas (11.207-446) (renuncia ELSAMEX, S.A.U.)

A secretaria le o listado de licitadores presentados a este procedemento segundo consta no certificado expedido polo Rexistro Xeral e pregunta aos membros asistentes se teñen algún conflito de intereses con algún dos licitadores. Ningún dos asistentes manifesta ter conflito de intereses cos licitadores.

Dáse conta do escrito presentado por ELSAMEX, S.A.U. o 8 de marzo de 2019 (documento nº 190034990) no que retira a súa oferta alegando "*problemas xurdidos co desenvolvemento e compromiso co provedor de xogos, que afecta á calidade e condicións dos mesmos e ao prazo de entrega, que fai inviable a posibilidade de tan sequera iniciar o contrato. Estaríamos ante unha cuestión allea á vontade da miña representada, que non queremos afecte a ese Concello*".

De conformidade co artigo 150.2 "*De non cumprimentarse adecuadamente o requirimento no prazo sinalado, entenderá que o licitador retirou a súa oferta, procedéndose a esixir lle o importe do 3 por cento do orzamento base de licitación, IVE excluído, en concepto de penalidade, que se fará efectivo en primeiro lugar contra a garantía provisional, se se tivera constituído, sen prexuízo do establecido na letra a) do apartado 2 do artigo 71. No suposto sinalado no parágrafo anterior, procederase a recabar a mesma documentación ao licitador seguinte, pola orde na que quedaron clasificadas as ofertas*".

A cláusula 22.3 do PCAP regula esta circunstancia en análogos termos.

Tendo en conta que o licitador clasificado en primeiro lugar ELSAMEX, S.A.U. retirou a súa oferta, a Mesa de Contratación, por unanimidade dos asistentes, propón á Xunta de



Copia do documento - Concello de Vigo	Data impresión: 03/05/2024 01:48	Páxina 1 de 6
ACTAS PERFIL CONTRATANTE	CSV: A1AH48-C22C31-E74E4A-DDQJRU-5DY2PU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Goberno local, na súa calidade de órgano de contratación (disposición adicional 2ª TRLCSP), a adopción do seguinte acordo:

Primeiro.- Dar conta de que o licitador clasificado en primeiro lugar, ELSAMEX, S.A.U., retirou a súa oferta mediante escrito presentado o 8 de marzo de 2019.

Segundo.- Iniciar o procedemento previsto no parágrafo segundo do artigo 150.2 da LCSP e cláusula 22.3 do prego de cláusulas administrativas particulares en relación con ELSAMEX, S.A.U.

Terceiro.- Requirir ao licitador clasificado en segundo lugar, CALFENSA PROYECTOS, S.L., seguindo a orde de clasificación acordada pola Xunta de Goberno local na sesión do 28 de febreiro de 2019, para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).
3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares”.

8.- Entrega e, no seu caso, aceptación dos informes de valoración dos criterios de adjudicación nos procedementos abertos, negociados e restrinxidos

a) Procedemento aberto para a contratación das obras dos murais do quinto programa para arrombar medianeiras e outros elementos verticais con incidencia na vía pública (9.234-307) (informe sobre C con proposta de clasificación)

A secretaria le o listado de licitadores presentados a este procedemento segundo consta no certificado expedido polo Rexistro Xeral e pregunta aos membros asistentes se teñen algún conflito de intereses con algún dos licitadores. Ningún dos asistentes manifesta ter conflito de intereses cos licitadores.

Entrégase o informe asinado pola xefa da Unidade de Patrimonio Histórico o 12 de marzo de 2019 de valoración do sobre C “*proposición avaliable mediante fórmula*” coa proposta de clasificación que é aceptado por unanimidade dos membros da Mesa.

9.- Propostas de clasificación/clasificación

a) Procedemento aberto para a contratación das obras dos murais do quinto programa para arrombar medianeiras e outros elementos verticais con incidencia na vía pública (9.234-307)

Á vista das actuacións desta Mesa de Contratación e dos informes de valoración das proposicións presentadas, por unanimidade dos asistentes, propónse á Xunta de



Copia do documento - Concello de Vigo	Data impresión: 03/05/2024 01:48	Páxina 2 de 6
ACTAS PERFIL CONTRATANTE	CSV: A1AH48-C22C31-E74E4A-DDQJRU-5DY2PU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



Goberno local, na súa calidade de órgano de contratación (disposición adicional 2ª da Lei 9/2017, do 8 de novembro, de contratos do Sector Público - LCSP), a adopción do seguinte acordo:

“Primeiro.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación das obras dos murais do quinto programa para arrombar medianeiras e outros elementos verticais con incidencia na vía pública (9.234-307) na seguinte orde descendente:

	Licitadores	Puntuación total
1	PRACE SERVICIOS Y OBRAS, S.A.	92,62
2	ORECO, S.A.	91,18
3	ACTIVIDADES DE CONSTRUCCIÓN, EDIFICACIÓN Y VIALES, S.L.	90,98

Segundo.- Requirir ao licitador clasificado en primeiro lugar, PRACE SERVICIOS Y OBRAS, S.A., para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).
3. Resguardo da garantía definitiva esixible de acordo co disposto na cláusula 24 do prego de cláusulas administrativas particulares”.

13.- Dar conta da interposición/resolución de recursos

a) Procedemento aberto para a contratación do servizo para a xestión das Escolas infantís municipais (EIMs) de Tomás Alonso e Bouzas (21.847-332) (Resolución nº 48/2019 do TACGAL)

Dáse conta da resolución n.º 48/2019 do Tribunal Administrativo de Contratación Pública da Comunidade Autónoma de Galicia do 27 de febreiro de 2019 polo que se desestima o recurso interposto por COLEGIO LOS MILAGROS S.L. contra o acordo de exclusión da súa oferta.

10.- Propostas de adxudicación

a) Procedemento aberto para a contratación do servizo para a xestión das Escolas infantís municipais (EIMs) de Tomás Alonso e Bouzas (21.847-332)

Retírase este asunto da orde do día.

b) Procedemento aberto para a contratación do servizo de redacción e implantación e posterior revisión de plans de autoprotección para as Escolas infantís municipais, Escola municipal de música e Escola municipal de teatro (386-2202)

A secretaria le o listado de licitadores presentados a este procedemento segundo consta no certificado expedido polo Rexistro Xeral e pregunta aos membros asistentes se teñen



Copia do documento - Concello de Vigo	Data impresión: 03/05/2024 01:48	Páxina 3 de 6
ACTAS PERFIL CONTRATANTE	CSV: A1AH48-C22C31-E74E4A-DDQJRU-5DY2PU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

algún conflito de intereses con algún dos licitadores. Ningún dos asistentes manifesta ter conflito de intereses cos licitadores.

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011
- Prego de cláusulas administrativas particulares que rexe o procedemento aberto para a contratación do servizo de redacción e implantación e posterior revisión de plans de autoprotección para as Escolas infantís municipais, Escola municipal de música e Escola municipal de teatro (386-2202)

ANTECEDENTES

Primeiro.- A Xunta de Goberno local na sesión que tivo lugar o 28 de febreiro de 2019, adoptou o seguinte acordo:

“Primeiro.- Dar conta da exclusión de P3CONSULTORES SEGURIDAD, S.L. acordada pola Mesa de Contratación do Concello de Vigo, na sesión do 21 de febreiro de 2019 por exceder a súa proposición do orzamento base de licitación (cláusula 14.2.C do prego de cláusulas administrativas particulares).

Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación do servizo de redacción e implantación e posterior revisión de plans de autoprotección para as Escolas infantís municipais, Escola municipal de música e Escola municipal de teatro (386-2202) na seguinte orde descendente:

Orde	Licitador	Puntuación total
1	PREVENTECNIA (D. Pedro Murciego Delgado)	99,25

Terceiro.- Requirir ao licitador clasificado en primeiro lugar, PREVENTECNIA (D. Pedro Murciego Delgado), para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).



Copia do documento - Concello de Vigo	Data impresión: 03/05/2024 01:48	Páxina 4 de 6
ACTAS PERFIL CONTRATANTE	CSV: A1AH48-C22C31-E74E4A-DDQJRU-5DY2PU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



3. Resguardo da garantía definitiva esixible de acordo co disposto na cláusula 24 do prego de cláusulas administrativas particulares”.

Segundo.- Este acordo foi notificado ao licitador clasificado en primeiro lugar, PREVENTECNIA (D. Pedro Murciego Delgado), o día 1 de marzo de 2019, que presenta a documentación requirida o 13 e 14 de marzo, dentro do prazo concedido.

Terceiro.- A Mesa de Contratación na sesión do 14 de marzo de 2019 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar PREVENTECNIA (D. Pedro Murciego Delgado), como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta coa mellor relación calidade-prezo para a administración contratante é a formulada por PREVENTECNIA (D. Pedro Murciego Delgado), de conformidade co informe de valoración das proposicións avaliábeis mediante xuízo de valor de data 18 de marzo de 2019 e o acordo da Mesa de Contratación do 21 de febreiro de 2019 polo que se outorga a PREVENTECNIA a máxima puntuación pola súa proposición avaliábeis mediante fórmula ao resultar o único licitador admitido tras a exclusión de P3CONSULTORES SEGURIDAD, S.L. (cláusula 16.3 do PCAP).

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de



contratación, en uso das facultades que lle confire a lexislación vixente, a adopción do seguinte acordo:

“Adxudicar a PREVENTECNIA (D. Pedro Murciego Delgado) o procedemento aberto para a contratación do servizo de redacción e implantación e posterior revisión de plans de autoprotección para as Escolas infantís municipais, Escola municipal de música e Escola municipal de teatro (386-2202) coas seguintes condicións:

- a) *O prezo total do contrato é de 23.019,06 euros, sendo a cota correspondente ao IVE de 3.995,04 euros.*
- b) *Incrementa os plans de autoprotección mínimos esixidos nos últimos 5 anos (5 plans de autoprotección) realizados polo técnico a adscribir ao contrato a 31 plans de autoprotección.*
- c) *Incrementa os plans de autoprotección mínimos esixidos en centros educativos (2 plans de autoprotección) realizados polo técnico a adscribir ao contrato a 8 plans de autoprotección.*
- d) *Incrementa a formación adicional en xestión de emerxencias e plans de autoprotección mínima esixida para o técnico a adscribir ao contrato (50 horas) a 176 horas.*
- e) *Achega o certificado de habilitación profesional como director de seguridade privada polo Ministerio do Interior do técnico a adscribir ao contrato.*

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.

Non tendo máis asuntos que tratar, a presidenta declara finalizada a sesión ás 11:40 horas. De todo o tratado eu secretaria dou fe.

(Documento asinado dixitalmente polos membros da Mesa asistentes a esta sesión)



Copia do documento - Concello de Vigo	Data impresión: 03/05/2024 01:48	Páxina 6 de 6
ACTAS PERFIL CONTRATANTE	CSV: A1AH48-C22C31-E74E4A-DDQJRU-5DY2PU-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		